

ПАУЛЬ УАЙТ

ТОТОНЬ ДЫ СОНЗЭ ЯЛГАТНЕНЬ ЭРЯМОСТ

Артыцясь Петр Орам

стр. 3

БУХУ ГИППОПОТАМОСЬ

Вадря маней чи. Тото обезьянось ды Твига жирафось на лксить эрьке чиресэ. Сынь кирнявтнить, зярс а сизить, мейле оймсить чевте луганаронть лангсо.

– Вантая, кие тосо моли! – серьгедсь Тото.

Твига раки:

– Вай, Буху! Содамс бу, кодат мельть ней сонзэ покш пря потсонть. Кода варштан лангозонзо, ежом сеск колави.

– Вай-вай, сыре Буху, – мусколи Тото. – Сон истямо нусманя. Кода бу ежонзо вадрялгавтомс?

стр. 5

стр. 7

Гиппопотамось уш маласост, мотны:

- Косо монь пештем? Сон путозель те кевенть лангс. Ней тесэ арась. Мезе тон теить мартонзо, обезьган?
- Видеть валон, мон сонзэ эзия сайне, – корты Тото.
- Алкукс, алкукс, – кемевти Твига. – Гун покш обезьганось сонзэ салызе. Монсь неия.
- Э, неть джунглятнесэ киненьгак а савкшны кемемс. Кие соды мезе! Ульнесь истямо покш ды паро пештем!

стр. 8

- Кодамо течи паро маней чись, Буху! – корты Твига.
- Б...ррр... пек а вечкан, зярдо чись пиди. Сон теи зыян монь кедентень. Сон карми кинетеме – тыненк тень стака чарькодемс. – Буху нусманясто чаравтни покш прянзо. – А монь судом! Мон корнан ды носкан, ды судостон свал кольги. Ууу... Ванодо! Ней мон карман кешнямо...
- Тото куроцсто кирнявтьсь ды пекстызе кургонзо. Буху ансяк липни сельмсэнзэ. – О, а, сукпря, Тото! Зярдо мон ушодан кешнямо, судостон чуди, сельведень чудить, монь... э-э...
- Варштадоя, кодат мазыйть течи джунглясо цецятне! – Твига снартни полавтомс кортамо лувонтъ.

стр. 11

- Сынст эйстэ истямо тантей чине моли, – полады Тото.
- Гм... – мотны Буху, – мон а вечксынть неть ожо цецятнень. Судом потляви, кинети ды ноцковтневи, монень а саты кошт, ды мон ансяк секень содан: кешнян...
- Истя, истя, – кувси Твига, – эно аштек чувто ало, лексек ва нькс коштто.
- Виде, те варминесь пек ваньскавты джунглянь коштонть, – полады Тото.

стр. 12

– Истя, – мотны Буху, – пек ванськавты. Тынк варминесь ка нды вана неть вишкинькине ожо цецинетнень пульнест. Сон понгони монь судо варяс, сон кинети ды... ды... – Сон нусма нясто чаравтни прясонзо. – Содавлидеяк тынь, кода мон ма йсян, зярдю кешнян! Ирдексэнь сэредить, сельведень чудить, ды, евтамс тенк, кода те весе кольсти монь пилень?

стр. 15

– Бути тон истя пек майсят, – корты Тото, – инескеть, майсек чатьмонезь.

– О-о, – кувси Буху, – мон а карман чатьмонеме се шкас, зярс весе теде а кармить содамо.

Тото лепштысынзе пилензэ, ансяк бу а марямс Бухунь.

– О,о,о, – пижни сон, – тон покш, эчке, налкставтыця ды мотныця ракша!

– Кие марто истя кортат? – кежейгадсь Буху.

– Тонь марто! – пижни Тото. – Тонь арась мик ишмень преветь!

– А тонь улить?

– Нама, улить? – мерсь каршонзо вишкинькине Тото.

– Ха, ха, ха – раки Буху, ансяк сеск лотки ракамодо. – Ау, а у, – муцявозь кувси сон, – ракамодо сэредить ирдексэнь, кутьмерем...о...

Твига таго снартни полавтомс кортамо лувонть:

- Варштадоя эрькенть лангс! Мезе тынь тосо нетядо?
- Мон неян, кода Дик-Дик антилопась укшны ды экшели, – мерсь Тото.

Твига седеяк венстясы кирьганзо ды мелявтозь ванны васов.

- Мон неян ведь лангсо кувака тюжа чувто.

Буху апак капша чаравтни прянзо:

- Те эрьксэнтъ арасть кодаткак чувтт.
- Ансяк монгак неян чувто, – мелявтозь серьгедсь Тото.
- Стяконь валт, – мотны Буху. – Мон укшныя те эрькенть

педепев ды эзинь нее кодамояк чувто.

- Иля шна прят. Тон тесэ зряват, кода экшелямо таркасо крокодилэсь.

- Тото виськстэме, – арси Твига.

- Тесэ крокодил? – таго кежиявтни Буху. – Пейдевтими!

Крокодил!

- Тон яла неят чувто, Твига? – кевкстни Тото.

- Истя, – мерсь каршонзо жирафось, – сон уи антилопанть енов.

Буху, зяро сатыть виензэ, венсти кирьганзо. Друк сон корты:

- Те малавгак а чувто, те алкукс крокодил, конась панси а нтилопанть мельга.

Буху прянь-полдань синдезь ношкстась эрькентень ды кирнявтсь ведьс. Тото сорны, понатне лангсонзо дубушки стясть.

- Крокодилтнэ сусконить.

- Гиппотамтнеяк. Вант, крокодилэсь сонзэ уш неизе ды оргодсь лия енов!

Тото кирнявтни, кецни.

– Сон идизе антилопанть, – пижни обезьяганось, – седейма
риця сыре Буху! Ура! Ура! Ура!

Друк сон чатьмонезеви ды ушоды пиле удалксонзо езамо:

– Арази те виев, мездеяк а пелиця гиппопотамось – самай
се кувсиця, мотныця Бухусь, конань эйстэ весе орголить?
Ансяк те кода истя сон машты ве шкасто улемс мотныцякс ды
кежиявтницякс, седеймарицякс ды парокс?

Жирафось мизолды.

– Мон мельспаросан гиппопотамонть кис, – корты сон. –
Зярдо Буху арси ансяк эсь прыдонзо ды ормадонзо, сон ушоли
эсензэ жалямо ды тейневи пек апарокс. Ды сеск полавтови,
зырдо эряви мелявтомс лиятнеде ды капши тенст лездамо.

– Сякпря тетя, Буху, – корты Дик-Дик. – Паз ванстонзат паро
теветь кис! Сякпря тетя!

– Э, гм? Мон лездынь? – пейди Буху. – Вай, кодамо паро
эрямось! – таго мотны сон уемстэ.

Нама, тон содасак те ежонть, зярдо арась мелеть натой налксемс, ды
весень марто, кие понги сельметь икеле, севнат. Бути икелепелев зярдояк
коли ежот, лецтик, кода тейсь Буху: мук, кода лездамс ялгат, ават эли са
зорот туртов. Ды сеск несак, кодамо те паро. Бути тонь аволь ансяк берянь
ежот, – печтят покш стакачить, евтак теде Иисуснэнь. Сон марятанзат ды
лезды.

КОДА ИШМЕСЬ ТЕЕВСЬ ЗЕБРАКС

– Свал-аволь зебрятне ульнесть раужо-ашокс? – кевкстсть эйкакштне.
Сынь озадольть баобабонть ало ды учость: Дауди евтни тенст од евтнема

Дауди, джунглясо докторонть лездыцязо, мизолды:

– Тынь теде а содатадо? Эно мон евтнян тенк ишмеде, кона эзь сода...

Пунда ишмесь мельсапаросоль.

– Те а виде, – пеняцясь сон. – Симба левенть пек мазый
тюжа кедезэ. Твига жирафонть ожо, тешкс марто – теке чипа
енть валдозо ды чувтонь сулей. А монь? Монь весе раужо.

– Арази те берянь? – кевкстизе сонзэ Твига обезьянось. –
Сон истя а рудаскады...

Буху гиппопотамось чаравтни прянзо.

– Гм, сон алкукс пек паро. Веть а нетядызь а леопардт, а
левть.

– Ах, – укстась ишмесь, – улевлиньгак мон лия тюсонь!

– Джунглясо ули тарка, косо топавтовить мельтне-бажа
мотне, – ежовсто пейдезь мерсь Тото.

Буху таго чатавтызе покш прянзо.

– Тосо вастневить чопачат, ды бути сон тов моли, сестэ –
Гм...

– Сестэ сонзэ мелезэ топавтови, – муст-мусть пейдезевсь
Тото.

стр. 28

– Косо те таркась? – кевкстсь Пунда. – Евтак тень, Тото, косо топавтовить бажамотне?
– Мунямонь кевпотмарсо, – мерсь Тото.
– Сестэ адя мартон! Мон тов молян!
Буху таго чаравтызе прянзо.
– Арсят, превейстэ теят?
– Нама, аволь, – мерсь Тото. – Ансяк покш мелесь...
– Инеськеть, ветямак монь тов, – энялдсь Пунда. – Бути тосо топавтовить арсематне, мон вешан эстенъ ашо кедь. Кодамо те паро, улемс ашо ишмекс!

стр. 30

– Вай, монь пильгень... – кувсесь Буху. – Вай, кодамо кувака кись!
– Вана кевпотмароськак, – ранкстась Тото. – Эно совак тей, Пунда, ды евтык эсь мелеть.
Ишменть вайгелезэ сорнозевсь:
– Кодамо чопода тосо!
– Истя, – мерсь Буху, – чопода ды нолажа – гм – ансяк бути а рась мелеть, иля моле.
– Чатьмонтъ, Буху, – Тотонь вайгельсэ марявсь акирдема. – Пунда сонсь машты арсеме. Ишме, тон пек бажат улемс ашокс?
– Нама, – мерсь пунда. – Бажан! Бажан!
– Сестэ совак кевпотмаронтень ды евтык эсь мелеть!

стр. 32

– Паряк, вейсэ соватано? – кевкстсь Пунда.
– Гм – монь арасть кодаткак бажамон, вейкеяк бажамом, – кармасть каршо молеме Буху. – А тонь, Тото? Бути тон соват кевпотмаронтень ды марят таймаскавтыця каштордома, тееват ашокс ишмедентъ бойкасто.
Тото аймелгадозь буркстась:
– Тон мездеяк а пелят – ансяк кевпотмаронтъ икеле.
– Састо, – тошкадсь ишмесь. – Мон нейке сован тов.
Буху ды Тото учость ушосо. Зярыя шкань ютазь Буху мерсь:
– Тонеть а эряволь евтнемс тензэ те кевпотмардонть.

– Варштадоя монь лангс, – каятотсь ишмень вайгелезэ.

Тото мик кирнявтсь:

– Сон ашо! Пунда алкуксккак теевсь ашокс! Кода тон истя ма штыть?

– Мон совинь чопода кевпотмаронтень ды серьгединь: мон ба жан теевемс ашокс! – Ды теевинь ашокс. Мон джунглясо ська мон ашо ишмесь. Тонь мельс тусь монь од тусом, Тото?

– Сонзэ лангсо весе рудазось карми неявомо. Тонеть сон а ванстови ваньксэкс.

– Мон карман ванстомонзо, – кемевтезь мерсь Пунда.

– Гм, ансяк тон ялатеке аволь куватьс улят ашокс. Курок тон кармат рудазов-сермавкс. Седе паро улемс раужокс. Истя куш рудазось лангстот а неяви.

– Ах, – уктась Пунда. – Зярыя шка лиятне кармить мельспа росо лангозон ваномо, зярдэ рудаскадан, сынь кармить лангсон згилямо. Ах, улевлиньгак мон...

– Ков те сон моли? – кевктсь Буху.

– Мекев кевпотмаронтень. Паряк, мекев бажи теевемс раужокс, – мерсь Тото.

– Гм, кодамо стака ней тензэ. Весемесэ тон чумат, мейсэяк эзить кортавтово, обезьган. Ветимизь тей кие соды мекс. Вай, мезе те истямось?

– Тото, Буху, – пижакадсь ишмесь. – Ванодо, мон мекев теевинь раужокс!

– Виде, – чиртизе прянзо Буху. – Те ишмесь, конань минь содасынек. Кодамо мазый раужо тюсось!

Ишмесь мельспаросо аволдась прясонзо.

– Монень мельспаро – мелезэть туинь. Раужо тюсось, алкукс, пек мазый, Тото?

– Виде, ансяк тень зйсэ арась мезеяк истямо.

– Мезе тон теньсэ снартнят мереме? – кевкстизе ишмесь.

– Э, – мерсь Тото ды сокордызе човонензэ, – джунглясо весе ишметне раужот. Бути бажат а модемс лия енов, тонеть эрявияк улемс лиякс.

– Ишмесь вачкодсь пильгсэнзэ.

– Ды тон мерить...

– Содан, содан, – аволдась прясонзо Тото. – Сестэ мон эзинь кенере теде арсезевемс. Тон арсить видестэ: раужо тюсось а кецявты ды анеявикс.

Ишмесь пек кежиявтсь.

– Сестэ мон мекев сован ды евтаса эсь мелем.

Тото пижакадсь:

– Мон молян мартот!

– Моненьгак мерее модемс мартонк, – пшкадсь Буху.

Тото кода карми ракамо.

– Мон арсян, тонеть те, секень вант, а лезды.

– О-о-о! – Бухунь вайгелесь эль марявсь ды те мик танда
втсь. – Кодамо тесэ чопода!

– Эй, – серьгедсь Тото.

Вайгелесь поладызе:

– Эй-э-эй!

– Лоткак, – знялдозевсь Буху. – Тон истя сыргозтьсыть чопа
чатнень.

– Пунда, эно седе курок арсек мезеяк. Вай, мезе те
истямось? – Тото зшкевсь мезес-бути чевтес.

– Вай, те монь пекем! – таго кежиявтсь лангозонзо ишмесь.

– Тесэ истямо чопода, тон истямат раужат.

– Мон а стяко кортынть тенк, – мотность судонзо алов Буху, –
раужо тюсось весемеде вадря сетнень туртов, кинь веть пек бу
а зряволь неемс левтненень.

– Ансяк мон ней бажан улемс ашокс, – серьгедсь Пунда.

– Те парос а пачти, – мерсь Буху, стака прянзо чаравтнезь.

– Сестэ бажан улемс раужокс, – секень вант, авардезеви

Пунда.

– Сестэ тон улят лиятнень кондямокс, – згилясь Тото.

– Арась, – пижакадсь ишмесь. – Сестэ улян ашокс... эли ра
ужокс... арась, ашокс...

Вайгелесь поладсь:

– Раужокс. Ашокс. Раужокс. Ашокс.

Друк каятотсь тандавтыця зэръть.

– Седе куроксто! – пижакадсь Тото. – Кевпотмарось кала
ды. Седе курок оргодемс тестэ! УШОВ!

стр. 43

- Ха-ха-ха, – ракась ушосо Тото.
- Хо-хо-хо, – буркстась Буху.
- Мезе лангсо раксетьдо? – кевкстинзе ишмесь.
- Ха-ха, тон ней раужо-ашат!

стр. 45

– Вай, арась! – кувсезевсь Пунда. – Вай, арась! Мон ней киксэван. Монень оште эряви евтамс мелем!

Ансяк уш эзь кенере. Кевпотмарось каладсь самай се шка стонтъ, зярдо сынъ тосто лиссть. Пунда нусмакадсь:

- Мекс мон истяман, а содан, мезе тень эряви!

Елизавета, тейтерькатнестэ вейкесь, вачкодинзе вейс кедь лапушканзо.

- Сон теевсь зебракс ансяк секс, мекс эзь сода...
- ... зярдо кевпотмарось каладсь, весе рещазель. Пунданень а мейстэль уш кочкамс! – серьгедсь М'гого.

Дауди мерсь:

– Эрьвась, зярдо несы киксэв зебрантъ, кадык а стувтни: миненек эрямосонтъ одс ды одс эряви арсемс, мезе теемс. А кодамо арсемась эрямосонтъ сехте эрявикс? Мезе васняк эряви теемс?

- Кемемс Иисуснэнь, – бойкасто, весемедэ икеле мерсь Елизавета.
- Виде! „Кияк а важодеви кавто чирязнэнь“, – мерсь Иисус. Сон бажи лездамс тенек ушодомс Пазонтень озномо ды совамс Сонзэ покш семиянтень.

ТОТОНЬ ТАНДАВТНИЦЯ ЭРЯМОЗО

стр. 49

– Мезде сехте пек вечки ярсамо леопардось? – кевкстинзе эйкакштнень Дауди, джунглясо ормаменстиенть лездыцязо.

Весе евтасть ве вайгельсэ:

– Обезьганонь сывельде!

– Сестэ мон тыненк евтнян Тото вишкинькине обезьганонть эрямодонзо.

Тото обезьганось озадоль чувто прясо ды весе вийсэ бажась кунсолормс Твига жирафонть, эсензэ тонавтыцянтъ. Те сонензэ а шождалъ. Тото апак лотксе ёзмолдсь тарадонть лангсо, покшоль мелезэ налксемс нимилявтнень марто.

Твига казямосто мерсь:

– Кунсолорк, Тото. Тонеть пек эряви содамс джунглянь колмо законтнень. Кодамояк вейке паро чистэ сынъ идетьдызь.

Тото автизе кургонзо, Твига поладызе кортамонзо:

– Миненек сеетьстэ савкшны вастневемс зыян марто, секс тонеть ЭРЯВИ содамс неть законтнэнь. Ды бути кармат топа втомост, мезеяк а тандавтанзат. Кармат колсемест – понгат зыянс.

– Васенце закононтъ мон уш истяк содаса парсте, – шнызе прянзо Тото. – БУТИ РЕДЯТ ЛЕОПАРД, КУЗТЬ ЧУВТО ПРЯС, СЕХТЕ ЧОВА ТАРАДКЕНТЬ ЛАНГС!

Твига мерсь:

– Истя. Омбоце законось корты: ЗЯРДОЯК ИЛЯ СТЯКШНО ЗЕБРА УДАЛОВ.

– Ды эдь мон овсе эзинь некшне те шкас зебрят, – мерсь Тото.

– Неят, иля пеле, – мерсь Твига, – ды сестэ лецтик: зярдояк иля стякшно зебра удалов.

– Мекс? – кевкстизе Тото.

– Зебрятне кучкорить, – евтась Твига.

– Вай! Мон тень а вечкса, – кармась ракамо вишкинькине обезьянось. – Твига, кодамо сестэ колмоце законось?

– Зярдояк иля вано гуень сельмс! Тото, тонеть ней етва вить неть вешематне?

– Бути мон евтасынь, нолдасамак налксеме?

Твига алтась.

– Сестэ эно ушодан...

– Васняк, БУТИ МОН РЕДЯН ЛЕОПАРД, СЕСТЭ КУЗЯН ЧУВТО ПРЯС ДЫ ОЗАН СЕХТЕ ЧОВИНЕ ТАРАДКЕНТЬ ЛАНГС. Омбоцекс: А СТЯКШНОМС ЗЕБРА УДАЛОВ.

Колмоцекс: ВЕЙКЕЯК ГУЕНЬ СЕЛЬМС А ЭРЯВИ ВАНОМС.

Неят, мон содасынь колмонест вешематнень.

– Паро, – мерсь Твига. – Иля стувтне эйсэст ды топавт. Ней а зе налксеме.

стр. 55

Тото кецязь кармась кирнявтнеме тарадсто тарадс. Друк сон маризе гиппопотамонть казямо вайгелензэ:

– Э-э... шумбра валске тетъ, обезыган.

– Шумбра валске, Буху! Некшнить-арась тон зярдояк зебра? Гиппопотамось аволдась покш прясонзо.

– Э-э, некшнинь. Те ашо кикс марто раужо ишме. Эли ашо ишме раужо кикс марто. Вай, мон свал сынст човорякшнан.

Тото кармась ракамо.

– Паряк, содат, косто сонзэ неемс?

– Э-э, содан. Бути а кепедят шалт, мон невтьса тетъ сонзэ.

О-о, э-э, варштака тов!

стр. 57

Обезыганось кенярдозевсь.

– Лисни, ват кодамо зебрась. Сон сускони?

– Э-э, а сускони, Тото. Те ракшась аволь кежей. Пейдензэ а мезть тетъ пелемс. Ансяк пельть удалць пильгедензэ.

– Сон бойкасто чийни, Буху?

– А содан, – арсемадо мейле евтась гиппопотамось.

– Истя бойкасто, кода жирафось?

– А содан, – таго мерсь Буху.

Тото талакадсь.

– Монень зряви тень содамс!

Сон капшазевсь пупиця тикшень вешнеме.

стр. 58

– Вант, Буху, кода сон карми ней чиеме.

Буху стакасто носкозевсь:

– Ертык пупицанть! Эй, Тото, иля тейне берянь те! Арась мелем тень лангс ваномс...

– ЭЙ, БУХУ, ВАНТ!

Вачкотькс. Ды коштка ливтязь...

...Тото прась – бум!

Буху мольсь малазонзо.

– О-о, э-э, тон пек вачкодевить?

А куш а каш.

– Тото, евтака мезеяк!

Обезьганось панжинзе сельмензэ ды кувсезевсь.

– Гм, – мерсь Буху, – зебрась пстидинзеть. Э-э, мон тердьса Твигань. Сон соды, мезе тень пингстэ зряви теемс. Капшан.

Тото озась ды кундызе прынзо. Ды сеск марясь удалдонзо ка штордома. Стамбаро вайгель тошкстась:

– Ш-ш-ш, ме-зе те-сэ лис-с-сь?

– Превтеме зебрась кучкордымим, – моткодсь обезьганось.

– Ж-ж-ж-аль маряват, – евтась вайгелесь.

– Монень тон а неяват, – кувсезевсь обезьганось. – Мон сельмтнень марто мезе-бути теевсь ды прям увнозь увны...

– Сес-тэ мон с-сан мала-з-зот. Ней неят?

Тото липнесь сельмсэнзэ.

– Кият тон?

– Мон гуй-ян. Тон пек с-сэ-р-ре-дят.

Вишка обезьганось автизе кургонзо.

– Конить с-сель-меть ды уд-док.

Тесэ чийсть Твига ды Буху. Жирафось мерсь:

– Гуесь мацтизе Тотонь!

Буху верьга вайгельть серьгедсь:

– Кадык нейке обезьганонть!

Гуесь таго кежейстэ тошказевсь:

– Тук тес-с-стэ, с-сус-с-к-тан.

– Тон монь сусксамак? – мускодсь Буху. – Аштека, мон тетъ невьтса!

Гуесь езмолдозь тусь.

Твига чевте вайгельсэ кармась обезьганонть пувтамо.

– Сыргозть!

– Мезе тесэ лиссь? – удомань пачк автизе кургонзо Тото.

– Тон теик самай сень, мейстэ мон бажинь ванстомот. Секс самай гуесь цяк эзинзеть сэве. Тон варштыть сонзэ сельмс.

– Ды эдь сон ульнесь истямо мелякшов, – мерсь Тото.

– Вана кода! – тешкстызе Твига. – Евтыка, мезде кортави джунглянь колмоце законсонть?

– Виде, ней мон весемень лецтия, – мельсапаросо мерсь Тото. – Простямак, мекс эзитинь кунсоло.

Баобабонть ало сэтъмель. Толбандясонть ансяк каштордсть-цятность па лыця тарадтнэ. Пижнесь кодамо-бути нармунь.

– Тото ней соды: законтнэ пек эрявить ды бути кунсолат покштнень – те идетьанзат емамодо, – прядызе евтнеманзо Дауди. – Иисус мерсь Эсь тона втницятненень: „Кие Монь вечксамам, се топавтсы Монь Валом“.

– Ансяк кода тень содамс? Кода монень Иисус евты, мезе теемс?

Эйкакштне учость, мезе тенст мери Дауди.

Се таго кепедизе Библиянтъ.

– Тыненк ансяк эряви кунсоламс Сонзэ Валонзо. Тесэ Сон корты минек марто. Ды бути седе сеетьстэ карматано ловномо Библиянтъ, седе парсте карматано содамо, мезе тенек теемс седе тов.

КОКОНЬ ЧАЧОМА ЧИЗЭ

стр. 70

Дик-Дик антилопась мельспаросоль:

– Кодамо мазый тесэ таркась, истя, Буху?!

– Гм, алкукс, истямо дивань тарка стака мик муемс, – моткодсь каршонзо Буху гиппопотамось.

– Истя, – мерсь жирафось, – чувтосо копачазь те эрькенть теизе минек туртов слонось, покш ялганок.

– Эстенек бу те зярдояк а теевель, – таго мотнозевсь судонзо алов Буху.

Лошть! Кие-бути ертсь кев поколь витьстэ эрькенть куншкас. Те кольнезевсь Коко обезьган левксэсь.

стр. 73

Сон кочкесь цела коморо кев покольть ды ушодсь вейке омбоце мельга ертнемест эрькс. Кода паро! Кевень ертнемадо апак лотксе, Коко мольсь берек чирес ды, овсе веселгадозь, кирнявтсь ведьс. Сон кольнесь ды налксесь. Ды самай те шка сто, вай, аппарат, самай весела таркасонть кинь-бути покш кургозо кундызе Коконь пулодо ды таргизе эрьке чирес.

– Саты, – маризе сон Буху гиппопотамонть гавзара ва йгелензэ, – саты бутралгавтомс веденть. Те пек мазый сэтьме эрькесь седеймариця слононть.

Буху ускизе Коконь зяряя тарка, автизе кургонзо ды нолдызе вишка обезьганонть.

Коко токадизе эсь пулонзо.

– Тон покшат, амазыят ды нулготьксэват! – серьгедсь сон кежейстэ. – Мон тейнян мезе мелем, косо мелем, зярдо мелем!

Сон невтизе Бухунень келензэ ды ендолкс ношкстась эйстэнзэ пальманть пряс.

Зярдэ весе тусть, Коко, седе арсезь, кадовсь ськамонзо ды кияк ней эйсэнзэ а неи, мекев ушодсь кольнеме. Сон кармась ертнеме эрькенъ ванькс ведентень рудаз покольть ды севонь. Жежейстэ згилязь, ундокснэк-мезнек раздесь тикшетъ ды цецят, конат кассть эрькентъ чирева, ды весе тень истя жо ертнесь ведьс. Мейле зярыя тарка мольсь ве енов, – бажась неемс эсь тевензэ, ды самай те шкане неизе сонзэ, слононтъ. Се аштесь састо ды валгак эзь евта.

Коко вестъ кирнявтозь кепедсь чувтонть текшс ды, тарадсто тарадс поволезь, сеск емась сельме икельде. Сон чийсь семс, зярс эзь машто ежозо.

Теде мейле ютасть ламо чить. Коконь ульнесь чачома чизэ. Друк сонзэ малас появась жирафонть прязо.

– Коко, еван тетъ седейшкаванъ поздоровт чачома чить кувалма.

Обезьганось кенярдозь кирнявтсь жирафонть кутьмерензэ лангс ды мельспаросо раказевсь.

– Мон тедеде меельцеде тешкстан чачома чим, – толковизе сон. – Мон тешкстнян сонзэ иезэнзэ кавксть, кадык седе курук улян покшокс.

– Те алкукс обезьганонь превть, – пейдезевсь жирафось. – Коко, слонось знялдсь меремс тетъ, келя, пек бажи мартот ва стовомс.

Визделгадозь, Коко кирнявтсь мода лангс ды, мезеяк апак евта, кекшсь куракш потс.

стр. 79

Сэрей лопав чувто ало Коко вастызе Дик-Дик антилопанть.
Сюронзо лангсо сон кирдсь покш ды пек кенерезь дыня.

– Коко, седейшкавань поздоровт чачома чить марто! Саик,
инескеть, монь казнить.

Коко эзь карма учомо од энялдомат. Аламнес чатьмонсь,
зяс сэвсь дынянть. Пешксе кургсо, кода содави, стака корта
мс. Эсь пачканзо сон ансяк моткодсь:

– Кодамо паро тешкстнемс чачома чить. Те чистэнтъ саезь
сындест монь улить иезэнзэ колмонь-колмонь.

– Дик-Дик ансяк веселасто раказевсь, мейле мерсь:

– Тон марить, слонось вешни эйсэть?

стр. 80

– Мезе тензэ монь пельде эряви? – кевкстсь Коко, сонсь ба
жась невтемс прянзо мейсэяк а чумокс.

– Паряк, сон бажи тетъ мезеяк каземс чачома чистэть, –
мерсь Дик-Дик, – ансяк тонеть мезеяк бу а эряволь каземс.
Лецтнят, мезе тон теить сестэ сонзэ эрькентъ лангсо?

стр. 81

– Мон мезеяк истямо эзинь тее, – а кемевиксстэ мерсь Коко,
сень парсте содазь: слонось весементъ неизе.

Сон чиезь тусь яннэванть, ды арсесь вейкеде: аволь уш
истямо кенярксов те разнэ сонзэ чачома чизэ.

Ки лангсо вастызе Буху гиппопотамонть. Буху пейдсь.

– Гм. Монь ули тонь туртов дивань казем, Коко. Чачома чинтень. Тантей, пек кенерезь дыня.

– Вай, сюкпря тетя, Буху, мон пек вечкан дынят. Те чистэнтъ саезь мон карман чачома чим тешкстнеме иезэнзэ нилексть.

– Э-э... гиппопотамонтень пек стака кантнемс дынятнень, Коко. Самай секс мон путыя дынянтъ курго потс, стувтынь теде ды сэвия. Пек кенерезь, пек тантей ульнесь дынясь.

– Тон сэвик монь дынянтъ? – мелявтозь пижакадсь Коко.

Буху комавтызе прянзо:

– Пек пароль дынясь, алкуксонь дива! Ансяк мон свал корта н, сехте эрвиксэсь – паро мельтне-бажамотне, аволь сынсь ка знетне. Вай, зярс эзия стувто. Коко, тон марить, слононь пек вешни эйсэть.

Коко чиртизе чаманзо ды оргодсь.

– Арась, сонензэ а эряви каземс истят парт дынят, – мотнось Буху, стака прянзо тей-тов чаравтнезь, – ды паро, эзия максо тензэ.

Коко сизезь мольсь яннэванть ды цють эзь эшкеве слононтень. Тень апак учо сон васня теке кевензась, мейле снартнесь оргодемс. Ансяк маризе, пылгтне эйсэнзэ а кунсолыть. Курго потмозо коськсь.

– Мон...мон... – ушодсь сон какномо ды сельмензэ икеле ютась се чись, опаня мазый эрькесь, ков сон ертнесь рудаз ды севонь, ды кода слононь аштесь ды чатьмонець ваннось тень лангс.

– Евтан седейшкавань поздоровт чачома чить кувалма, – апа к учо маринзе сон тусто ды лембе вайгельсэ евтазь слононтъ поздоровонзо.

Коко, прянь апак кепеде, сэтьместэ тошказевсь:

– Сюкпря.

– Варштака, кодамо казне мон тонеть туинь, – мерсь слонось.

Коко салавинька варштась верев ды несь бананонь покш кирькс. Сон венстинзе кедензэ банантнэс, мейле нолдынзе ды, прянзо тей-тов чаравтнезь, мерсь састо:

– Мон ертнинь тонь эрькентень рудаз, Томбо. Простямак, нолдыть пежетень.

Каштмолемасонть марявсь ансяк, кода чави Коконь седеезэ.

– Монень а лади кунсолломс тонь пельде паро валт ды примсемс казнить, – тошкась Коко.

– Те казнесь корты вейкеде: мон тонь пежетнень нолдынь седе икеле, кода раздемс неть банантнэнь.

Коко пек визделгадсь.

– Сюкпря, Томбо.

Бананонь кирьксэсь ульнесь малав обезьганшка.

– Седейшкавань сюкпря тетя, – оштё весть евтась Коко ды пейдезевсь, – ней мон молян тонь эрькенть чирес ды весе тосо урядаса.

Косо-бути вере веселасто вансть слононть сельмензэ. Ансяк Коко тень эзизе редя, сонензэ яла апароль, виськсэль слононть икеле.

– Мон уш весементь теия, Коко, – слононть вайгелезэ чевтель ды седейшкаваль.

– Монень а лади истят казнеть сайнемс пельдеть, – таго тошкстась Коко.

Бананонь стака кирьксэнтъ кандомсто, Коко арсесь; слононь казнетъ сон явсы Твига жирафонть, Буху гиппопота монть ды Дик-Дик антилопанть марто.

Сон истя тейськак, ды те чись теевсь Коконь туртов весе ча чома читнестэ сехте вадрякс.

Савкшнось-арась тонеть зярдояк тейнемс лиянень апаро? Тон арсить, теде мейле кияк уш а карми вечкеметь. Ды ялатеке тонь эзть лотксе вечкеметь! Содасак-арась Сень, Кие свал вечктянзат? Те Иисус. Сон кулось тонь пежететь кис. Тонеть ансяк эряви евамс Сонензэ: янксят, мезе теить. Ды сестэ кемть, Сон нолдасынзе пежететь.

**ТОТО МАСТОРЧАМАНТЬ
КУНШКАСО.**

**МАСТОРЧАМАНТЬ
КУНШКАЗО**

стр. 92

Тото обезьянось сыргась варштамо эсь раськензэ. Сынъ эрясть васоло джунглятнесэ, косо кассть сэрейдеяк-сэрей чувтт цивтердыця пиже лопа марто, эрьктнень вельксэ, цецькатнень марто налксезь, ливтнеть нимиялт.

стр. 94

Друк Тото несъ а евтавияк кодамо сэрей чувто. Сон сась ма лазонзо ды мусь ваксонзо тешкс истямо сермадовкс марто:

МАСТОРЧАМАНТЬ КУНШКАЗО

Тото маризе эсензэ мельга Твига жирафонть вайгелензэ:
– Те таркась, Тото, пек явовты мель.
– Э-э, истя, – кемевтизе Буху гиппопотамоськак. – Те самай масторчаманть куншказо.

МАСТОРЧАМАНТЬ КУНШКАЗО

стр. 97

Тотонь сельмензэ талномадо кармасть цитнеме.
– Алкукс истя? – кевкстсь сон.
– Истя, – мерсь Твига. – Ней кочкак эстетъ. Бути кузят оно се баобабонть лангс вить ендо, улят масторчамань обед ено. Сестэ тон печтясак масторчаманть куншканзо. Вейке валсо, кочкак, косо тетъ улемс.
Тото човсизе човонензэ. Вишинькине обезьянонтень стака ль весе тень чарькодемс.

Тото уш ламо марсесь обед ено паро эрямодонть. Мельтне-а рсематне вармакс ютасть пряванзо. Кода сеетьстэ сон кунсолокшнось обезьгантэде, конат тусть эрямо обед енов. Ды вана сонзэ икеле панжозь кись. Весе, мезе тензэ эряви теемс – самс вейке мельс ды кирнявтомс.

– Кодамокс карми эрямось обед ено? – арсезевсь Тото. – Кодамо ули ежом, бути озан се баобабонть лангс обед ендо?

Сон уш кармась сорномо талноматнеде. Мекс бу а кирнявтомс тов ды а эрямс обед ено? Эли, паряк, седе паро эрямс тесэ? Тото якась эчке тарадонть ланга мекев-васов, лотксесь, ды таго эскелясь тей ды тов.

Друк Тото марясь кинь-бути а чарькодевикс вайгель, чевте ды маниця:

– Обед ено тон кармат пек парсте эрямо, вишкинькине обезьган! Валгт седе курок, мон невтсьа кинть тов, ков теть эряви модемс. Тонь учить мелень явиця ды кенярксов тевть. Тонеть мереви теемс весеметь, мезе мелеть, ды мезе те шкас эзь мереве теть теемс.

Жирафось ды гиппопотамось аштеть чувтнэнь экшсэ ды кунсолость. Сынть редясть обезьганонть селымстэ эрва кодамо тевс бажамот.

– Те гуесь, – пижакадсь Твига. – Сон соды, тон минек мартат, ансяк ней пек бажи манямот эстензэ. Иля кунсоло сонзэ! Ка довт минек марто. Сайтъ мель эрямс теске. Тон улят уцяскавкс, ды мезеяк а карми эйсэть тандавтнеме.

Тото лецтинзе Твига ды Буху ялганзо, седеймариця слононтъ ды Дик-Дик антилопанть. Седеензэ пештизь вечкемань лембе толкунт. Ды сон сась истямо мельс. Тото чиезь тусь тарадганть ды верьга вайгельть пижакадсь:

– Мон кадован теске!

Мейле васов кирнявтсь ды озась тарад лангс.

Тото нежедсь чувтонть, сонсь сорнось талномадонть. Сон сайсь мель кадовомс якшамопелев. Тото учось, мезе-бути лиси.

Ансяк мезеяк эзь лисе. Сон эзизе кунсоло гуенть. Ялатеке эзь маря прянзо чумокс эли покордазекс. Весе кадовсь истя, кода ульнесь. Ды вана уш маласонзо ялганзо: Твига, Буху, Дик-Дик мельспаросо, шожда оймесэ ванить лангозонзо верев.

– Зярдояк иляк стувтне чинть, зярдю тон варштыть гуенть сельмс, – мерсь Твига.

Ды Тото лецтизе се тандавтыця чинть, зярдю сон эль-эль эзь тееве гуень ярсамопелекс. Сон марясь маластонзо седейшкава нь вайгель, те ульнесь Твига жирафось:

– Тото, паряк, тон арсят: обед ено тесэнде вадря. Иля кеме гуентень! Зярдояк иля яка баобабонтъ эйстэ тона енов. Иля стувтне теде зярдояк!

Тото ахолдась прясонзо. Вишкинькине обезьганонтъ пря потмось кодаяк эзь чарькоде весе неть тамашатнень.

– Твига, евтак тень, мекс мон а марян кодаткак а вейкетъчить, куш сынть мельс: зрямс теске, мезесь, нама, эзь туге гуенть мельс? – кевстсь сон. – Мекс зряви кадовомс теске, бути тосо пек паро?

– Мекс? Тон оште овсе превтемаат. Зярдэ касат, тонсь тень чарькодъсак. Ков седе васов кармат молеме, тов седе кармат чарькодеме: тон виде ки лангсат. Ды седеяк улят уцяскавкс.

Тото яла аштесь чувто лангсо.

Сон мекев-васов ловнось тешксэнтъ. Ловнось сонзэ керш ендэ витев ды вить ендэ кершев. Мейле поведевсь тарадс, новольсь, тей-тов нурызъ яла ловнось теке валонтъ. Ловнось, та радонтень пулосонзо поведевезь ды нурызъ.

– Алкукскак, – мерсь сон, – куш мон мезеяк истямо а марян, ялатеке видестэ теинь.

– Истя, истя, Тото, – мерсь Буху, – ков седе покшокс тон улят, тов седе пек карми неявомо теть те видечись.

Тото тусь мартост. Сон кецясь, мекс тейсь видестэ. Гуесь вешкезь-езнозь тусь куракш потс.

Эзь лисне тонь мартаояк истя: ззить сода, кона кись виде? Кой-зярдэ молить аволь виде киява. Сестэ тон энялдыть Иисуснэнь лездамс теть лисемс виде ки лангс. Бути тон кармат тееме истя, кода мери Пазось, тон, паряк, а редясакак лиякстоманть, ялатеке эрямот полавтови.

МАСТОРЧАМАНТЬ КУНШКАЗО

– Дауди, евтнека, инескетъ, мезеяк. Куш вейке кодамояк евтнема, – энялдсть эйкакштне.

Сынь озадолть баобабтнень ало ды энялдозь вансть Даудинь лангс.

Дауди, ормаменстиентъ лездыцязо, аламос арсезевсь.

– Тынь содатадо мезеяк обезыгандонтъ, кона арсесь васов понгомо ды цяк эзь ема? А содатадо? Сестэ кунсолодо.

ОБЕЗЬГАНОСЬ ЛЕВЕНЬ КЕДЬСЭ

– Течи джунглясо пек паро чись! – кортасть идем ракшатне. Ансяк Буху гиппопотамось чатьмонсь. Сон мелявтсь вейкеде.

– Эй, Твига, – окойники пшкадсь сон жирафонтень, – левтне кузнить чувто пряс?

– Кой-зярдо, – мерсь Твига.

– Варштака оно сень лангс, – поладызе валонзо Буху. – Сон а нсяк нурясь эсензэ-э-э пуло педе чувто тарадсо. Паряк, те истя сон покш кежтнеде?

– Монь койсэ, те левденть миненек пелемс а эряви, – мизолдозевсь Твига. – Мольтяно, шумбракстнетяно мартонзо.

– Эй, тон, тосо, вере! – серьгедсь Буху.

– А? Р-р-р-р! Илядо са малазон, раздетядызь пельксэнь-пельксэнь. Р-р-р!

– Алкукс? – мерсь Твига. – Кият тон истямось?

– Арази а неят? Мон – идем ракшатнень лангсо инязор!

– Тото! Тон каить лангозот левень кедь, – вант, сонзэ уш сэвизь кить, – ды кемевтят эйсэнек ней: тон – лев. Пейдемат.

– Пельть истя монь марто кортнамадо, Твига, сэвтян. Мон ней аволь обезьганан! Мон теевинь левекс. Мон весемень теян, кода лев. Ярсан сень, мезде ярсы левесь! Ырнан левекс: р-р-р! Якангак тов, ков якить левтне!

стр. 117

Твига кармась икелензэ энялдомо:

– Тон а улят левекс, бути кармат бажамо модемс сонзэ енов.

– Ох, – кувсезевсь Буху.

– Мезе!? – пижакадсь Тото. – Левень кедесь монь лангс педязь педясь, сон пек моли тень. Мон неяван мельстуицякс ды теке марто идемгадозекс, ды...

– Улемс левекс – эряви левекс чачомс. Тонеть эряви улемс овсе лиякстомозекс, – поладынзе валонзо Твига.

стр. 118

Ансяк Тото сонзэ эзь кунсоло.

– Вантая левень молевксэм лангс, Буху, – пижнесь сон. – Кодаман ерокован. Покшоль мелем содамс, зяро джунглясо эрить превей ракшатнеде.

– Аволь зняро, зяро тон арсят: вейкеде седе аламо, – евтызе валонзо Буху.

Тото кармась ракамо:

– Течи валске монень вастовсь гиена. Ансяк неимим – кинзэ кадызе. Сон соды, мезе савкшны учомс левень пельде.

– Мезе ули, бути теть вастови носорог, конань берянь ежозо? Эли вачо леопард?

стр. 120

Тото ырнэзевсь.

– Мезе? Сынь монь несамизь, джунглянь инязоронть?

Ансяк марясызь ырнэмам, сеерьксэст сорнозевить, марясызь урномам – кочкаряст цивтергадыть.

стр. 121

– Гм, – арсезевсь Буху, – паряк, те обезыганось превейгады а н-сяк сестэ, зярдод пицеве.

Друг сон марясь зыянонь само.

стр. 122

– Ванодо! – мерсь весенень. – Мон марян леопардонть са монзо. Тото, седе курок кузть чувто пряс, зярс сон эзинзеть нее. Тутано, Твига!

– Кунсолок Бухунь, – пижакадсь Твига. – Левекс кармат прянтъ невтеме мейле.

Ансяк Тото чиртизе чаманзо.

– Мон а пелян леопардтонть! Леопардтнэ содыть, мезе сынст учи левенть марто вастовомсто. Р-р-р-р! Сак! Буху, кекшть, бути пелят.

стр. 124

– Леопардось сы тей? Вана мон сонензэ невьса! Р-р-р-р!
Р-р-р! – Сон чатавтызе левень прянтъ ды раказевсь.

– Вана ней сонзэ тандавтса!

Друк сон марясь урнома.

– Кие те? – кевкстсь обезыганось.

Леопардось таго урнозевсь.

– Чийть, Тото! – пижакадсь васолдо Твига.

– Чийть седе курок! – пижакадсь гиппопотамоськак.

Тото велявтызе прянзо ды неинзе леопардонть сельмензэ. Леопардось мекев кежейстэ урнозевсь. Ды друк Тотонь ва йгелезэ полавтовсь, теевсь цийница-энялдыцякс:

– Аштект таркасот, парыне каткине! Таркасот, мон тонеть меринь! Мон – идем ракшатнень инязорост эли... ЛЕЗДАДО!

стр. 126

Тото емавтызе левень кеденть сестэ, зярдэ обезыганонь ерокчисэ кирнявтсь чувто пряс ды истя идизе прянзо мельганзо паницядонть. Сон озась човине тарадке лангс, кода тонавтська к эйсэнзэ Твига.

Леопардось кузсь секе чувтонть пряс. Озась эчке тарадонть лангс ды кармась учомо, Тото мельга ванозь. Сон учось цела чи, секе тев арсесь вейкеде – обезьганонь пек тантей сывельденть. Зярдю чись валгсь, ды лиссь ковань, сон яла учось. Мейле, зярдю леопардось матедевсь, чувтонть алов сась Твига, ды Тото кирнявть сонзэ кувака кирьганть лангс, истя идевськак куломадонть.

- Вана тонь обезьганонь превтне, – мерсь Твига.
- Тото нусманясто ахолдась прясонзо.

- Твига видестэ кортась, истя? – мизолдозь кевкстсь Дауди.
- Нама! – вейке вайгельсэ евтасть эйкакштне.
- Ха-ха-ха, – раказевсь вишкинькине М'гого, – кодамо превтеме те Тотось. Обезьганось зярдюк а ули левекс, бути ансяк оршасы сонзэ кеденть ды карми ырнэме лев ладсо.
- Сон тень чарькодизе сеск, кодак неизе леопардонть, – лоткавтызе ялганть Елизавета.
- Истя, – мерсь Дауди. – Миньгак а ультяно христианинэкс, бути кармата но бажамо ансяк еност молеме ды кортамо истя, кода сынь.
- Бути сыть стакачить, бути карматамо пелеме эли кияк савтсынзе кеженек, сеске карми содавомо, эри эйсэнек Иисус эли минь ансяк оршинек христианинэнь „левень кеденть“.
- Бути Иисус эри эйсэнек, – кевкстсь М'гого, – сестэ минь христианинта но?
- Дауди пейзазевсь.
- Истя, Иисус сы эрвантень, кие Сонзэ пельде тень веша, Сон теи эйстэнзэ лия ломань.

- Весть кода-бути Дауди мекев сась баобабонть алов эйкакштнень юткс. Сась шка евтнемс тенст оште мезеяк.
- Ды Дауди ушодсь:
- Течи мон евтнян тыненк чавачадо. Сон свал невтядызь истямокс, кодат-тадо, алкукс.
 - Свал? – кевкстизь эйкакштне.
 - Свал, – ахолдась прясонзо Дауди.

ГИППОПОТАМОСЬ ДЫ ЧАВАЧАСЬ

Тото обезыганось мусь кокосонь пеште ды эсь кенярксонзо евтнизэ Дик-Дик антилопантень.

– Дик-Дик, мон муинь пек тантей кокосонь пеште. Мольтянояк, мусынек Буху гиппопотамонть. Кадык кола сы пештенть. Киньгак арасть истят кеме пеензэ, кода минек ялганть Бухунь.

Сынь муизь гиппопотамонть вишинька лейненть чирестэ.

– Буху! – пижакадсь обезыганось. – Кода вадря – минь ва стыдизь!

– Монень маряви, сон минек эйсэ а мари, – мерсь Дик-Дик.

Тото пштистэ варштась Бухунь енов.

– Паряк, сон улы? Ансяк эдь сельмензэ панжадат. Монь ули мелем мартонзо кортамс. – Ды обезыганось весела сто кортазевсь гиппопотамонть марто:

– Буху, монь вечкевикс эчке ялгам...

– Тон весементь колык, – мотнозевсь каршонзо гиппопота мось. – Мон аштинь тесэ ды учинь, зярдо ведесь ойми. Сон монень мерсь: „Зярдо ведесь ойми, эйстэнзэ несак эсь чачот“.

– Кие истя мерсь? – кевкстсь Тото.

– Седеймариця сыре обезыганось. Сон мерсь тень: „Буху, зярдо ведесь ойми, варштак эйзэнзэ ды несак эсеть чачот“.

Дик-Дик мельспаросо кевкстсь:

– Буху, минек арасель меленек кольстямс тонь мелеть, эзинек снартне бутралгавтомс ведентькак; ансяк евтак миненек, мезекс тетя зряви неемс эсеть чачот?

– Э, – мизолгадсь Буху, – те седеймариця сыре обезыганось мерсь: мон пек мазыян. Ды ней бажан неемс эсень чачом.

стр. 138

– Косо тон вастык сыре обезыганонть? – кевкстизе Тото пейдезь. – Сон мезе, аштесь пидиця чипаенть ало?

– Арась. Вейке валсо, сон аштесь лей чиресэнтъ. Эзь сода, кода ютамс тона чирес, укшномо эзь машто. Сестэ монень мерсь: „Кодамат тон мазыят, гиппопотам!“

стр. 141

Тото чарькодезь ахолдась прясонзо:

– Сон, нать, чарькодсь: тон аволь ансяк мазыят, теде башка, маштат пек парсте укшномо, теде башка, седеймарицят ды свал анокат эрванень лездамо.

– Истя, – мизолгадсь Буху, – весе тень сон мондень содась, куш зярдояк теде икеле эзимим некшне.

Тотонь сельмензэ мекев цивтергадсть.

– Нурькинестьэ, сон евтась тетъ ламо седейшкавань валт, ды тень кис тон сонзэ увтик леентъ тона чирес. Сестэ, нама, тон моненьгак лездат. Вант, монь ули кокосонь пештем. Инескетъ, колык монень сонзэ, Буху!

стр. 142

– Кодамо паро обезыганось, – мотность Буху. – „Мазый гиппопотам“, – мерсь сон. Сон алкуксонь ялга.

Тото тейсь гиппопотамонть енов оште вейке эскедькс.

– Монгак тонь ялгат, Буху, – пшкадсь сон. – Ды арази мон те шкас тетъ эзинь евтакшно: кодамат тон мазыят?

– Вестькак, зярдояк.

Бухунь вайгельсэ марявсь пеняцямо.

– Вай, мон арсинь, тон умок уш теде содат. Монь арасель мелем, тон пря шнавлить. Буху, зярдю ванан тонь лангс, мон неян виев обуця, смелчи, мездеяк а пелема, вий.

– Кода весе тень неят монь чачостонть?

– Мон ловнан тень тонь чамань сормсевкстнэстьэ, – мерсь Тото.

стр. 144

- Инескетъ, колык пештемек, – знялдсь Дик-Дик.
- Арась, ней тень а уютко, – мотноевсь Буху. – Молян опаня ведень вешнеме, пек бажан неемс эсь чачонтъ.
- Бути пек бажат неемс эсь чачот, мон туян тетъ чавача. Ансяк мейле коласак минек пештентъ?
- Ансяк седе мейле, кода неса эсь прям, – мекев евтызе эсь мелензэ Буху.

стр. 146

- Тото тусь покш чавача ды аравтызе Буху икеле.
- Весенень туемс ве енов, – пижакадсь сон. – Чавачась ансяк тонь туртов, Буху. Варштак, кодамат тон алкукс.
 - Буху варштась чавачантень.
 - Вай, те кие истямось? – кокнозь кевкстсь сон.
 - Кода истя – кие те? – кевкстизе Тото.
 - Кинь те эчке ды а мазый чамась тосо, чавачасонтъ?
 - Тонь, – згилязевсь обезьганось.
 - Монь? Арась! Мон аволь истяман! Те аволь истя! Мон аволь истяман! Кинень пек эряви истямо чачось? Сельменьгак а ва новольте те чавачантень...

стр. 148

- Буху пек кежиявтсь. Вайгелезэ гайгсь джунглатнень келес.
- Те тонть згилямотнеде вейкесь, Тото, сынст мон пек а вечксынъ. „Кодамо мазый гиппопотамось!“ – мерсь тень сыре обезьганось. Арази мон истяман. Чавачась превстэ лиссь. Тон снартнить пейдемс монь лангсо, Тото, истя? Эрьга, пудык чава чанть.
 - Тото пелезь варштась гиппопотамонтъ лангс.
 - Мережь тетъ, пудык! – кармавтызе Буху.
 - Мезе снартнят тееме?

– Вана мезе! – пижакадсь Буху ды чалгась чавачанть лангс.
Штелькстнэ ливтясть эрьва енов.

– Тон колык сонзэ! – кежиявтозь серьгедсь Тото.

– Истя! Мон пек а вечкан чавачат!

Пек покордазекс Буху чопавтсь ведьс, истяк эзизе колаяк
обезьганонтень пештензэ.

– Кодамо Буху превтеме, – серьгедсть эйкакштне. – Чавачась евтась
видестэ!

– Истя, – мерсь Дауди, – ансяк видечись сонзэ мельс эзь туге. Сонзэ тарка
со истямо видечись монь мельскак а туевель...

Сон кепедизе верев эчке книганть, конань эйкакштне уш содылизь. Те
ульнесь Библиясь.

– Нетядо, те Пазонтъ покш чавачазо. Эрьвантень, кие тов ваны, сон
невти: кодамат, кодамокс неи эйсэть Пазось.

Сон варштась вейке церынень-африканецэнтъ лангс.

– М'гого, тонь мельс тусь, зярдо минь аволь умок варштакшнынек
потмозонзо?

– Арась.

М'гого аламодо якстерьгадсь ды раказевсь.

– Ансяк киненьгак а мерёви кадновомс истямокс, кодамокс сон ули.

Весе покш мельсэ вансть М'гого лангс. Тона вадяшась эсь кисканзо ды ча
тьмонсь.

– Тон видестэ арсят, – идизе сонзэ Дауди. – Библиясо минь нетяно аволь
ансяк эсь прянок, Иисусоньгак. Ды мезе Сон миненек корты?

– „Садо Монень весе – эйкакштнеяк, покштнеяк. Мон бажан теэмс тынк
лия ломанекс, конат кармить кандомо Пазонтень ансяк кеняркст.

Мон истя тынк полавтадызь, натой кеняркс марто карматадо ваномо Па
зонь чавачантень. Эдь Мон тынк вечктядызь“.

ТОТО ДЫ ЧИНЕВ АЛ

Тото ды Коко вишкинькине обезыгантнэнь стака аштемс ве таркасо. Сынь секе тев кирнявтнить тарадсто тарадс. Налксить сасамнесэ. Секс самай свал вачот. Сынь ярсить банандо ды ма стумарде, унжадо ды пештте. Ансяк весемеде пек сын вечкить алт.

Сыре чувтонть прясно Тото ды Коко мусть пизэ.

– О, – мерсь Тото, – косо ули пизэ...

– ...тосо улить алткак, – пейдезь поладсь Коко.

Тото кузь чувто пряс ды алкукскак пизэсэнтъ мусь вейке серой покш ал.

– Кундак! – серьгедсь Тото.

Коко венстинзе кедензэ. Сон снартнесь кундамс алонтъ. Ансяк эзизе кунда. Алось прась ды колавсь. Пиже чинев ведь кармась чудеме потстонзо.

– Фу, – серьгедсть обезыгантнэ ды прянь-полдань синдезь оргодсть.

Ансяк карвотне кенярдозевсть те каванямконтень.

стр. 160

Твига жирафась, Буху гиппопотамось ды Дик-Дик антилопась
ве ендо вансть весе тень мельга.

– Тевть! – мотнозевсь Буху, – кода истя паро алось друк
теevi берянекс, чиневекс?

Твига раказевсь.

– Путык сонзэ чипаенть алов, – мерсь сон, – ды паро алось
сонсь чинии.

– Гм-м, паряк, кой-зядо удалакшны берянь чинев алонтень
мекев теевемс парокс? – кевкстсь Буху.

– Истя, кода а жаль, а эрси, – мерсь Дик-Дик.

Твига ахолдась прясонзо:

– Колезь алось зярдояк а велявты парокс.

стр. 163

Те шкане сыре Ниани, Тотонь ды Коконь леляст, самай ва
лгиль яннэванть леентень. Кедьсэнзэ кандсь ал. Сон оштё овсе
лембинель. Ниани ансяк таргизе те алонтъ Куку саразонть
пизэстэ.

Ниани нолштынзе турванзо. Човинькине сардынесэ састыне
карызе алонтъ, тейсь вишкинькине варине ды мельспаросо ка
рмась потмонзо потямо. Чама умарензэ тень пингстэ прасть,
сельмензэ лиссть лангс.

стр. 164

Обезьгантнэ сельмень сявадозь вансть лангозонзо. Зярдю ал
потмось чамсь, Ниани ёртызе лукшонтъ мода лангс. Истя
тейнить весе обезьгантнэ. Сон мельспаросо конинзе сельмензэ
ды мерсь:

– Алтнэ – обезьганонь сехте тантей ярсамопель .

Сон мекев нолштынзе турванзо ды поладсь:

– Истя. Ансяк илядо стувтне: аволь эрва алось истямо та
нтей.

стр. 167

Ниани леляст кеместэ кундась пулосонзо тарадс. Мейле
стясь ды, суронзо верев кепедезь, кармась толковамо
вишкинетненень:

– Тыненк зряви содамс: кой-кона алтнэ колыть минек
ежонок, сынъ теить апаро минек келентень ды потмонтень!

стр. 169

Тото ды Коко, прянь ахолдазь, кевкстизь:

– Евтака тенек, леляй, кона алтнэ парт, конат берянтъ?

Ниани кортась арсезь, эрьва валонть путозь путсь тарка
зонзо. Сон невтсь, прок покш ды невтиця суртнэнь ютксо кирди
ал.

– Кой-конатне ванныть алонть, конань бажить сэвемензэ,
чипаентъ каршо. Ансяк кардатадызь! Сельменек кой-зярдо ма
нчекшныть. Лиятне кунсолыть алонть, – поладсь Ниани, ды таго
прянзо невтсь истя, прок алкукс сон кунсолы алонть. – Ансяк
теяк а лезды.

Сон нучкась икелев.

– Кемтядо-арась, ансяк сехте превтеметнестэ сеть обезьга
нтнэ, конат колыть алонть никсемензэ кисэ.

Обезьгантнэ нусманясто комавтызь пряст ды Тото чевте ва
йгельсэ знялдозевсь:

– Вечкевикс лелянок, тон истямат превеят, евтнек,
инескетъ, кода эно зряви теемс?

стр. 170

Ниани мерсь прянь покшкавтнезь:

– Вана кода! Кандынк алонть лей лангов ды нолдынк
ведентъ чирес.

Сон лоткась аламос, мейле таго поладызе евтнеманзо:

– Кунсолодо ды илядо стувтне: алтнэ, конат а ваить,
укшныть ведь лангсо, – мекев мерян тенк, – неть алтнэ а ма
штовить. Бути тыненк понгсь истямо ал, вейке сурсо лепштинк
судонк, лия кедьсэ седе васов ертынк те алонть!

Ниани таго лоткась. Мейле верьга вайгельть, ча
рькодевиксстэ, истя, джунглясо весе марявлизь, поладсь:

– Бути алось ваи, сестэ те паро алось.

стр. 173


Твига, Буху ды Дик-Дик яла вансть обезьгантнэнь мельга,
конат секе тев кирнявтнестъ тарадсто тарадс.

– Ниани пек превей, – мерсь Твига.

– Истя, истя, – мерсь Бухуяк, – сон макссь минек ялгатненень
превть.

стр. 175

Истя ашти тевесь ломантнень мартояк. Миньгак а маштано
варштамо ломань оймес. Ансяк кие-бути тень машты. Те Иисус.
Сон содасы весеметь, мезе минь арсетяно, неи минек салава
нь арсематнень, конатнень Сондензэ башка кияк а неи. Ансяк
Сон бажи седе ламос: берянь ломантнень теемс парокс.
Миненек зряви ансяк теде Сонензэ энялдомс.



ЧИЛИСЕМА
ЁНО ВАЛДО

ПАУЛЬ УАЙТ

**ТОТОНЬ
ДЫ СОНЗЭ
ЯЛГАТНЕНЬ
ЭРЯМОСТ**

Артыцясь Петр Орам

Copyright © 1984 by Paternoster Press
Russian edition © 1991 by Licht im Osten

П. Уайт
Приключения Тото и её друзей
на ерзянском языке
© 1995 „Благовестие”, Саранск
Перевод Тамары Барговой

19.110

ТОТОНЬ ДЫ СОНЗЭ ЯЛГАТНЕНЬ ЭРЯМОСТ

ПАУЛЬ УАЙТ